

Isumaginninnermi suliassaqarfimmi nakkutilliisarneq pillugu Namminersorlutik Oqartussat nalunaarutaat

Isumaginnittoqarfiup aqunneqarnera aaqqissuussaaneralu pillugit Inatsisartut peqqussutaat nr. 11, 12. november 2001-imeersumi § 1, imm. 2, Meeqqat tapersersorneqarnissaannut Inatsisartut inatsisaat nr. 20, 26. juni 2017-imeersumi § 8, imm. 6, § 11, imm. 5 aamma § 37, imm. 7, Inuit innarluutillit tapersersorneqarnissaannut Inatsisartut inatsisaat nr. 13, 12. juni 2019-imeersumi § 62, imm. 4, § 63, imm. 4, § 64, imm. 6, aamma § 68, imm. 4, aamma Utoqqarnik paaqqinniffiit il.il. pillugit Inatsisartut peqqussutaat nr. 11 ulloq 30. oktober 1998-imeersumi § 5, imm. 4 malillugit tullinnguuttut makku aalajangersarneqarput:

Kapitali 1

Kommunalbestyrelsip ingerlatsineranik pingaarnertut nakkutilliineq

§ 1. Naalakkersuisut qitiusumik nakkutilliinermik ingerlatsivia (Nakkutilliinermik ingerlatsivik) kommunalbestyrelsip ingerlatsineranik aamma inunnik isumaginninnermut inatsisinik aqutsineranik, matumani Meeqqat tapersersorneqarnissaannut Inatsisartut inatsisaannik, Inuit innarluutillit tapersersorneqarnissaannut Inatsisartut inatsisaannik, Utoqqarnik paaqqinniffiit il.il. pillugit Inatsisartut peqqussutaannik kiisalu pisortat ingerlatsineranni suliat suliarineqartarnerat pillugu inatsimmi aamma pisortat ingerlatsinerat pillugu inatsimmi malittarisassanik pingaarnertut nakkutilliisuusaaq.

§ 2. Pingaarnertut nakkutilliinermi § 1 malillugu pineqassapput:

- 1) § 3 malillugu inatsisit,
- 2) § 4 malillugu aningaasaqarneq, aamma
- 3) § 3 malillugu isumaginninnermi suliassat suliarineqarnerisa pitsaassusiat.

Imm. 2. Pingaarnertut nakkutilliineq makkuninnga imaqassaaq:

- 1) suliassanik assigiinngiiaartunik misissuineq,
- 2) inunnik ilisimaarinnittunik oqaloqateqarnerit, aamma
- 3) ingerlatsiviup aaqqissuussaaneramik misissuineq.

§ 3. § 2-mi, imm. 1-imi, nr. 1 aamma 3 malillugit inatsisinik isumaginninnermilu suliassanik nakkutilliinermut ilaassapput ingerlatsiviup:

- 1) maleruagassanik allassimasunik periaasiulersimasunillu malinninnera,
- 2) nassuiaasarnera missiliuisarneralu,

- 3) suliamut paasissutissiinera, suliamik suliarinninnera naammagittaalliutinillu suliaqarnera
- 4) piginnaasatigut tutsuiginassutsikkullu ajornartorsiutinik suliarineqarnera, aamma
- 5) imminut nakkutilliivigisarnera aamma aqutsinikkut nakkutilliinera.

§ 4. Kommunip aningaasaqarnermik ingerlatsinera isumannaatsuunersoq isumaginninnermilu suliaasaqarfiup iluani inatsisinik tunngavilersorneqarnera § 2, imm. 1, nr. 2 malillugu aningaasaqarnermik nakkutilliinerup nalilissavaa.

§ 5. § 1 malillugu Nakkutilliinermik ingerlatsivik kommunini ataasiakkaani minnerpaamik ukiumut ataasiarluni pingaarnertut nakkutilliinermik ingerlatsisassaaq.

Imm. 2. Nakkutilliinermik ingerlatsiviup nakkutilliinermiut atatillugu ukiut sisamakkaarlugit kommuninut qinigaaffiup iluani illoqarfiit tamarmiusut nakkutilliartorfigisimassavaa.

Imm. 3. Nakkutilliinermik ingerlatsiviup nakkutilliinermiut atatillugu imm. 2-mi piffissap pineqartup iluani nammineq naliliinini malillugu nunaqarfiit assigiinngitsut nakkutilliartorfigisimassavai.

§ 6. § 1 malillugu pingaarnertut nakkutilliinissaq sapaatit akunneri marluk sioqqullugit kommunalbestyrelsimut kalerriutigineqassaaq.

Nakkutilliinermiut nalunaarusiaq

§ 7. § 1 malillugu Nakkutilliinermik ingerlatsivik pingaarnertut nakkutilliinermiut nalunaarusiamik suliaqartassaaq.

Imm. 2. §§ 3-mi aamma 4-mi pissutsit tulleriiaarneqarsimasut misissuiffigineqarnerannik aamma isummerfigineqarnerannik nakkutilliisimanermiut nalunaarusiaq imaqassaaq.

§ 8. § 7 malillugu inaarutaasumik nakkutilliinermiut nalunaarusiap suliarineqariarluni kommunalbestyrelsimut nassiunneqannginnerani nakkutilliinermiut nalunaarusiaq minnerpaamik ulluni 14-
ini kommunalbestyrelsimut tusarniaassutigineqassaaq.

Imm. 2. Nakkutilliinermiut nalunaarusiaq kingusinnerpaamik ullormi nakkutilliiffiusimasumit qaammatit pingasut qaangiunnerisa kingorna naammassillugu suliarineqareersimassaaq.

Imm. 3. Immikkut ittumik pisoqartillugu imm. 1-imi aamma 2-mi piffissaliussat avaqqunneqarsinnaapput.

Imm. 4. Nakkutilliinermiut nalunaarusiaq Naalakkersuisut nittartagaatigut tamanut nalunaarutigineqassaaq.

Imm. 5. Nakkutilliinermiut inaarutaasumik nalunaarusiap kommunalbestyrelsimut nassiunneqarneraniit qaammatit marluk qaangiunnerini kommunalbestyrelse pissutsit nakkutilliinermiut nalunaarusiami uparuaassutigineqartut iluarsiiffinialugit kommunalbestyrelse qanoq iliorniarnini pillugu Nakkutilliinermik ingerlatsivimmit allakkatigut nalunaarusiortoqassaaq.

Kapitali 2

Kommunini meeqqanik nalinginnaasumik inummut sammititamik nakkutilliineq

§ 9. Meeqqat kommunimi atugaannik ingerlaavartumik nakkutilliinissaminut kommunalbestyrelse pisussaaffeqarpoq. Meeraq imaluunniit meeqqat eqimattat 18-it inorlugit ukiullit immikkut ikiorserneqarnissaminik pisariaqartitsisinnaasut, kommunalbestyrelsimit ilisimaneqalernissaat anguniarlugu, kommunalbestyrelse sapinngisamik siusissukkut nakkutiginnittassaaq.

Imm. 2. Kommunalbestyrelse imm. 1 malillugu nakkutilliineq naammassiniarlugu kommunip nunaqarfinut tamarmiusunut ukiut tamaasa nakkutilliinermik ingerlatsisassaaq.

Kapitali 3

Meeqqanik angerlarsimaffiup avataanut inissinneqarsimasunik inummut sammititamik nakkutilliineq

§ 10. Kommunalbestyrelse inissiisoq meeqqap inissinneqarsimasup inissinneqarfiani ukiumut marloriarluni inummut sammititamik nakkutilliisassaaq.

Imm. 2. Meeraq kommunimut allamut inissinneqarsimappat, kommunalbestyrelse inissiisuusooq kommunimilu inissiiffiusumi kommunalbestyrelse, kommunalbestyrelse inissiisoq sinnerlugu inissiiffimmi kommunalbestyrelse nakkutilliinermik ingerlatsinissaa pillugu isumaqatigiissuteqarsinnaapput.

Imm. 3. Imm. 2 malillugu inummut sammititamik nakkutilliinissamik isumaqatigiissuteqartoqarsimappat nalunaarummi matumani aalajangersakkat malillugit nakkutilliinissaa kommunalbestyrelsip inissiisup akisussaaffigissavaa.

§ 11. Meeqqamut tunngatillugu iliuusissanut pilersaarutip inissiiviusumi malinneqarnissaa aamma meeqqap pisariaqartitai eqqarsaatigalugit ikiorsiinerup naammattuunissaa siunertamullu naapertuuttuunissaa § 10 malillugu inummut sammititamik ingerlaavartumik nakkutilliinikkut qulakkeerneqassaaq, matumani ilanngullugit:

- 1) meeqqap inissinneqarfigisamini sumiginnarneqannginnissaa imaluunniit innarlerneqannginnissaa,
- 2) meeraq taassumalu angajoqqaavi pisinnaatitaaffimminnik ilisimatinneqarnissaat, aamma
- 3) naammagittaalliuutaasinnaasut, meeqqap akuuffigisaasa inerneru meeqqamut, angajoqqaatut oqartussaasunut kiisalu meeqqap sullissisuanut tunniunneqarnissaat.

Imm. 2. Meeqqat tapersersorneqarnissaannut Inatsisartut inatsisaanni § 30-mi, imm. 2-mi nr. 2 malillugu meeraq ulloq unnuarlu paaqqinnittarfirmut inissinneqarsimappat, nakkutilliinerup aamma qulakkiissavai:

- 1) iliuusissanut pilersaarummi siunertarineqartoq anguniagaasorlu ulloq unnuarlu paaqqinniffiup katsorsaanissamik pilersaarutaani naammassineqassasut,
- 2) meeqqap inissinneqarsimasup pisariaqartitai ulloq unnuarlu paaqqinniffiup perorsaariaasiatigut ikorfartorneqassasut,
- 3) ulloq unnuarlu paaqqinniffik killiffimmik nalunaarusiornermigut aamma katsorsaanissamik pilersaarumminik nutarterisarnermigut ingerlaavartumik nalunaaruteqartassasoq, aamma
- 4) pissaanermik atuisimanerit malitseqartinneqartassasut pissaanermillu atuisimaneq pillugu nalunaarutit tunngavigalugit meeraq ulloq unnuarlu paaqqinniffimmi eqqortumik ikorfartorneqarnerisooq naliliiffigineqartassasoq.

§ 12. § 10 malillugu inummut sammititamik nakkutilliinermut atatillugu meeraq kommunalbestyrelsimit oqaloqatigineqartassaaq.

Imm. 2. Meeqqamik oqaloqateqarneq inunnit inissiivimmeersunit najuuffigineqanngitsumik

ajornanngippat ingerlanneqassaaq, apeqqutaatinnagu meeraq ilaqutariinni paarsisartuni imaluunniit ulloq unnuarlu paaqqinniffimmi inissinneqarsimanersoq.

Imm. 3. Meeraq oqaloqatigiinnermi allanik illersuisoqarsinnaavoq. Tamanna pillugu kommunalbestyrelsip meeraq ilisimatissavaa. Meeqqap nammeneq aalajangiisinnaatitaanini malillugu ilagisinnaavaa:

- 1) meeqqanik illersuisoq isumaginninnermik ilisimasalik, imaluunniit
- 2) oqaloqateqarnermi inuk alla ilagisinnaavaa.

Imm. 4. Imm. 3-mi. nr. 2 malillugu meeraq oqaloqateqarnissamut inummik ilaqarniarpat, meeqqallu mianerineqarnissanut tamanna naapertuutinngitsoq nalilerneqarpat, inuk pineqartoq kommunalbestyrelsimit oqarfigineqarsinnaavoq oqaloqateqarnissamut peqataasinnaanngitsoq. Kommunalbestyrelse aalajangiippat inuk pineqartoq oqaloqateqarnissamut peqataasinnaanngitsoq, oqaloqatigiinnissaq aallartitsinnagu meeqqanik illersuisoq isumaginninnermik ilisimasalik kommunalbestyrelsimit aggersarneqassaaq. Meeraq pillugu iliuusissanut pilersaarummi aalajangiineq allaganngorlugu kommunalbestyrelsimit tunngavilersorneqassaaq.

Imm. 5. Meeqqap pisinnaaneqassusaa annikilleriarsimappat, oqaloqatigineqarnerminilu ikiorneqarnissamik pisariaqartitsippat, meeqqap isumaata tusarneqarnissaa qulakkeerniarlugu tamanna kommunalbestyrelsimit immikkut eqqarsaatigineqassaaq aamma tassunga atatillugu periutsinik aamma ikiorsiissutsinik immikkut ittunik atuisinnaavoq.

Imm. 6. Meeqqamik oqaloqateqarnissaaq immikkut pissuteqarluni pinngitsoortinneqarsinnaavoq, matumani meeqqap inerissimassusaa pissutaappat imaluunniit meeqqap mianerineqarnissaa pissutigalugu oqaloqateqarnissaaq naapertuutinngippat. Oqaloqateqarnissap pinngitsoortinneqarnera meeraq pillugu iliuusissanut pilersaarummi allaganngorlugu tunngavilersorneqassaaq.

§ 13. § 10 malillugu kommunalbestyrelse inummut sammititamik nakkutilliinermi atatillugu piffimmi inissiiffusumi pissutsinik ernumanartunik maluginiagaqarpat, oqartussaqaarfimmut ingerlatsinerup tunngasutigut nakkutilliinissamik suliaqarnissaminut akisussaatitaasumut kiisalu kommunalbestyrelsinut inissiisimasunut kommunalbestyrelse nalunaaruteqassaaq, meeraq imaluunniit meeqqat piffimmi inissiiffusumiittut pissutsinik ernumanartunik sunnerneqarsinnaappata.

§ 14 Kommunalbestyrelsip meeraq ingerlaannartumik peersissavaa, meeqqap ilorrisimaarneranut, peqqissusaanut imaluunniit ineriartorneranut annertuumik innarliisinnaasumik pasitsaassisoqarsimappat uku pissutigalugit:

- 1) meeqqamik amigartumik isumassuineq isumaginninnerluunniit,
- 2) timikkut nakuuserfigineqarsimappat tarnikkulluunniit ikilertissimappat, paarinerlunneqarpat imaluunniit kinguaassiuutitigut innarlerneqarpat,
- 3) meeqqami imaluunniit meeqqap qanigisaani atornerluinermik ajornartorsiutit, pinerluttutut pissuseqarneq imaluunniit allatigut inuuniarnikkut annertuunik ajornartorsiuteqarneq, imaluunniit
- 4) meeqqap allatut pissusilersornerani naleqqussarniarneraniluunniit ajornartorsiutit.

Kapitali 4

Ilaqutariinnik paarsisartunik ingerlatsinermut sammititamik nakkutilliineq

§ 15. Kommunalbestyrelsip ilaqtariinnut paarsisartunut akuersissummik tunniussaqtup ilaqtariit paarsisartut ukiumut ataasiarluni aamma pisariaqartitsineq malillugu ingerlatsinermut sammititamik nakkutilliiffigisassavai. Ilaqtariit paarsisartut paarsisuunissamut aamma ilaqtariinnut paarsisartunut akuersissutini tunniunneqartuni piumasaqaatinik sulii naammassinnissinnaanersut nakkutilliinikkut qulakkeerneqassaaq.

Imm. 2. Ilaqtariinnut paarsisartunut akuersissut piumasaqaatitaqartumik tunniunneqarsimappat piumasaqaatit eqqortinneqarnersut kommunalbestyrelsip nakkutilliinermini misissussavaa.

Imm. 3. Kommunalbestyrelsip ingerlatsinermut sammititamik nakkutilliinermini ilaqtariinni paarsisartuni pissutsit misissorlugillu ilaqtariit paarsisartut oqaloqatigisavai.

Imm. 4. Kommunalbestyrelsip ingerlatsinermut sammititamik nakkutilliinermini:

- 1) ilaqtariit paarsisartut nalunaaqqaarluni nakkutilliartorfigisassavai,
- 2) ilaqtariit paarsisartut paasissutissanik piniarfigisassavai, aamma
- 3) meeqqat ilaqtariinni paarsisartuni inissinneqarsimasut paasissutissanik piniarfigisassavai.

Imm. 5. Kommunalbestyrelsip imm. 4, nr. 1 malillugu nalunaaqqaarluni nakkutilliartortarnermi saniatigut ilaqtariit paarsisartut nalunaarfigeqqaarnagit aamma nakkutilliartorfigisinnaavai.

§ 16. § 15 malillugu ingerlatsinermut sammititamik nakkutilliineq ilaqtariinnik paarsisartunik paarsinermilu suliaasamik qanoq ingerlatsisarnermik assigiiaartumik, aqqissuussaasumik tunngavilersorluakkamillu nalilersuinnissamut tunngavissiisumik ingerlanneqassaaq.

Imm. 2. Nakkutilliineq inunnit suliaq ataqatigiinnissaanik paasinnissinnaasunit taamalu ilaqtariit paarsisartut unammillernartoqartitaannik ingerlariaqqinnissamullu periarfissaannik nalunaaruteqarsinnaasunit ingerlanneqassaaq.

Imm. 3. Siusinnerusukkut nakkutilliinermit nalunaarusiaasimasuni oqaaseqaatit, inassutigisimasat peqqussutillu aqqissuussaasumik malitseqartinneqartarnissaat kommunalbestyrelsip nakkutilliinermut atatillugu qulakkiissavaa.

§ 17. Ilaqtariit paarsisartut kommunalbestyrelsimit § 15 malillugu nakkutilliisuusumit qinnuigineqarunik paasissutissat kommunalbestyrelsip ingerlatsinermut sammititamik nakkutilliinermini pisariaqartitai tunniutissavaat.

Imm. 2. Ilaqtariit paarsisartut paasissutissanik kommunalbestyrelsimut tunniussaapput ingerlatitseqqinneq angajoqqaatut oqartussaassuseqartoq akuersisinngikkaluarlugu pisinnaavoq, ingerlatitseqqinneq nakkutilliinissamut pisariaqartuusorineqarpat.

§ 18. § 15 malillugu kommunalbestyrelse ingerlatsinermut sammititamik nakkutilliinerminut atatillugu ilaqtariit paarsisartuni pissutsinik ernumanartunik maluginiagaqarpat, meeraq pissutsinik ernumanartunik sunnerneqarsinnaappat kommunalbestyrelsimut inissiisuusimasumut kommunalbestyrelse nalunaaruteqassaaq.

§ 19. Meeqqap ilorrisimaarneranut, peqqissusaanut imaluunniit ineriartorneranut annertuumik innarliisinnaasumik pasitsaassisoqarsimappat uku pissutigalugit kommunalbestyrelsip meeraq ingerlaannartumik peersissavaa:

- 1) meeqqamik amigartumik isumassuineq isumaginninnerluunniit,

- 2) timikkut nakuuserfigineqarsimappat tarnikkulluunniit ikilertissimappat, paarinerlunneqarpat imaluunniit kinguaassiuutitigut innarlerneqarpat,
- 3) meeqqami imaluunniit meeqqap qanigisaani atornerluinermik ajornartorsiutit, pinerluttutut pissuseqarneq imaluunniit allatigut inuuniarnikkut annertuunik ajornartorsiuteqarneq, imaluunniit
- 4) meeqqap allatigut pissusilersornerani naleqqussarniarneraniluunniit ajornartorsiutit.

Imm. 2. Kommunalbestyrelsip imm. 1 malillugu meeqqamik paarsisunit peersitsinerminut atatillugu nammineerluni isummerfigissavaa inoqutigiinni meeqqat allat arlaatigut iliuuseqarfigineqassanersut, tassa meeqqat pineqartut ingerlaannartumik peerneqassanersut imaluunniit ilaqutariinni paarsisartuni najugaqartinneqaannassanersut.

Imm. 3. Kommunalbestyrelsip ingerlatsinermut sammititamik nakkutilliisuusup aamma utaqqiisaa kommunalbestyrelse inissiisuusiq sinnerlugu meeqqamik peersitsisup kommunalbestyrelse inissiisuusimasoq ingerlaannaq nalunaarfigissavaa. Matuma kingorna kommunalbestyrelse inissiisuusimasoq imm. 1 malillugu inaarutaasumik aalajangiissaaq.

§ 20. § 15 malillugu kommunalbestyrelsip pasitsaappagu ilaqutariit paarsisartut inoqutigiinniluunniit allat aanngajaarniutitik inerteqqutaasunik atuisuusut kommunalbestyrelse ingerlatsinermut sammititamik nakkutilliartussaaq.

§ 21. § 15 malillugu ingerlatsinermut sammititamik nakkutilliinermut atatillugu kommunalbestyrelse aanngajaarniutitik inerteqqutaasunik atuisoqarneranik pasitsaassaqaruni inoqutigiinni ataaseq arlallilluunniit aanngajaarniutitik atuisuunersut paasiniarlugu misissorneqarnissaannik qinnuigisinnaavai.

Imm. 2. Imm. 1 malillugu aanngaajaarniutitik atuisuunermik misissuisoqartinnagu, inuk aanngaajaarniutitik atuisuunermut misissuiffigineqartussaq kommunalbestyrelsimit allaganngorlugu akuersisinneqassaaq. Akuersissuteqarneq pinngitsaaliissutaassanngilaq erseqqissuussallunilu.

Imm. 3. Imm. 2 malillugu inuup inoqutigiinniittup aanngajaarniutitik atuisuunermik misissorneqarnissani akuersaarumangippagu, § 23 malillugu kommunalbestyrelse nakkutilliinermit sakkortunerusumik ingerlatsinnaavoq, imaluunniit ilaqutariit paarsisartut pillugit Namminersorlutik Oqartussat nalunaarutaanni § 9 malillugu ilaqutariinnut paarsisartunut akuersissut atorunnaarsillugu.

Imm. 4. § 15 malillugu ingerlatsinermut sammititamik nakkutilliinermut atatillugu imaluunniit allatigut pasitsaassisoqarpat, ilaqutariit paarsisartut ilaat imaluunniit inoqutigiinni alla aanngaajaarniutitik inerteqqusaasunik atuisuusiq, kommunalbestyrelse ilaqutaannik paarsisartunik ingerlatsinermut sammititamik nakkutilliisuusiq § 15 malillugu ingerlaannaq kommunalbestyrelsimut inissiisuusimasumut nalunaaruteqassaaq. Matuma kingorna § 10 malillugu kommunalbestyrelse inissiisuusimasoq pissutissaqanngitsumik kinguarsaanani inummut sammititamik nakkutilliinermit ingerlatsinissaminut pisussaaffeqarpoq.

§ 22. Kommunalbestyrelse ilaqutariit peqqissussaannik naliliinerminut atatillugu, ilaqutariit paarsisartut pillugit Namminersorlutik Oqartussat nalunaarutaat § 5, imm. 2, nr. 10 malillugu, inoqutigiinni inuk ataaseq imaluunniit amerlanerusut peqqissutsimut uppernarsaammik tunniusseqqullugit qinnuigisinnaavai. Peqqissutsimut uppernarsaat qaammatit pingasut sinnerlugit pisoqaassuseqassanngilaq.

§ 23. Immikkut nassuiakkamik annertusisamik nakkutilliisoqarnissaa pisariaqartinneqartoq kommunalbestyrelsimit nalilerneqarpat kommunalbestyrelse annertusisamik nakkutilliisoqarnissaanik aalajangiisinnavaoq. Sivisussusissaa pissutsit ataasiakkaat aalajangersimasut suuneri tunngavigalugit aalajangersarneqartassaaq, taamaattorli nakkutilliineq ataaseq sivisunerpaamik qaammatinik pingasunik sivisussuseqartassaaq.

Imm. 2. Annertusisamik nakkutilliineq nalunaaqqaarluni nalunaaqqaaranilu ingerlanneqarsinnaavoq.

Imm. 3. Annertusisamik nakkutilliinissamut tunngaviusinnaapput:

- 1) nakkutilliinermiit nalunaarusiaq ataaseq inerniliippat ilaqutariit paarsisartut ajornartorsiutaat immikkut ittut nalinginnaasulluunniit misissoqqinneqarnissaat pisariaqartoq,
- 2) ilaqutariit paarsisartut pillugit naammagittaalliutigineqarpata,
- 3) kommunalbestyrelse nalinginnaasumik immikkulluunniit ittumik ilaqutariinni paarsisartuni pissutsinik ernumanarsinnaasunik meeqqamut paaqqutarineqartumut tunngatillugu imaluunniit meeqqamut pineqartumut eqquisunik maluginiagaqarpat, imaluunniit
- 4) ilaqutariinni paarsisartuni pissutsit paaqqutaqarnissamut akuersissut imaluunniit ilaqutariittut paaqqutaqarnissamut akuersissut naapertorlugit ilaqutariittut paarsisuusinnaanermut piumasaqaatinik naammassinninnissamut qulartitsisut.

Imm. 4. Annertusisamik nakkutilliisoqarnissaanik taamaallaat aalajangiisoqarsinnaavoq pissutsit annertusisamik nakkutilliinissamik eqqarsaateqarnermut tunngaviusut pillugit ilaqutariit paarsisartut oqaloqatigineqareernerisigut. Pissutsilli immikkut ittut pisariaqartilerpassuk annertusisamik nakkutilliisoqarnissaa ingerlaannartumik aalajangerneqarsinnaavoq.

Imm. 5. Annertusisamik nakkutilliisoqarnissaanik taamaallaat aalajangiisoqarsinnaavoq ilaqutariit paarsisartut pissutsinik aalajangiinermut tunngaviusunik aaqqiisinnaanerat aaqkeerusunnerallu ilimanaateqarsorineqarpat. Ilaqutariit paarsisartut pillugit Namminersorlutik Oqartussat nalunaarutaanni § 9 malillugu ilaqutariit paarsisartut pissutsinik ernumanartunik aaqqiisinnaanerat aaqkeerusunnerallu naatsorsuutigineqanngippat ilaqutariinnut paarsisartunut akuersissutip atorunnaarsinneqarnissaa kommunalbestyrelsip aalajangissavaa.

Imm. 6. Kommunalbestyrelse annertusisamik nakkutilliisoqarnissaanik aalajangiisimappat kommunalbestyrelsit inissiisuusut kommunalbestyrelsimit ilisimatinneqassapput.

Nakkutilliinermiit nalunaarusiaq

§ 24. Kommunalbestyrelse § 15 aamma § 23 naapertorlugit ingerlatsinermut sammititamik nakkutilliinerit tamaasa nakkutilliinermiit nalunaarusiamik suliaqartassaaq.

Imm. 2. Nakkutilliisimanermiit nalunaarusiami tulluittut ilisimasaat isumaallu kommunalbestyrelsimit ilanngunneqartassapput:

- 1) ilaqutariit paarsisartut, tassunga ilanngullugit nammineq meeqqat angerlarsimaffimmi najugaqartut inuillu allat inoqutigiinnut ilaasut, aamma
- 2) meeraq paaqqutarineqartoq meeqqamullu paaqqutarineqartumut angajoqqaatut oqartussaasut.

Imm. 3. Nakkutilliisimanermiit nalunaarusiami paasissutissat tulluittut saqqummiunneqassapput:

- 1) Ulloq nakkutilliiffusoq.
- 2) Kina nakkutilliinermik ingerlatsisimanersoq.

- 3) Nakkutilliiartornissaq nalunaarutigeqqaarneqarsimanersoq imaluunniit nalunaarutigeqqaarneqarsimannginnersoq.
- 4) Nakkutilliinermut tunngavioq.
- 5) Kommunalbestyrelse nakkutilliiartortoqannginnerani paasissutissanik sunik piniarsimanersoq.
- 6) Kommunalbestyrelse nakkutilliinermi atillugu kikkunnik oqaloqateqarsimanersoq.
- 7) Ilaqutariit meeqqanik qassinik paaqutaqarnersut kiisalu meeqqat qassinik ukioqarnersut meeqqallu tapersorsorneqarnissamik pisariaqartitaat.
- 8) Nakkutilliinermi maluginiarneqartut suuneri.
- 9) § 21 malillugu aanngajaarniutinik atuissuunermik misissuisoqarsimappat inerner.
- 10) Ilaqutariit paarsisartut ilaqutariittut paarsisartutut akuersisummi piumasaqaatinik malinninnerannik naliliineq.
- 11) Nakkutilliisoqarnerata, matumani aamma annertusisamik nakkutilliisoqarnissamik aalajangiinerup, ilaqutariinnut paarsisartutut akuersisummik atorunnaarsitsinissamik aalajangiinerup aamma paasissutissanik kommunalbestyrelsimut kommunalbestyrelsinulluunniit meeqqap ilaqutariinnut paarsisartutut inissinneqarnissamik aalajangiisimasunut ingerlatitseqqissimanerup malitsigisaannik qisuariaataasimasut.

Imm. 4. Nakkutilliisimanermi nalunaarusiaq ilaqutariinnut paarsisartutut tusarniaassutigineqassaaq, tassani tusarniaanermut akissummik tunniussinissamut ullut 14-it piffissaritinneqarlutik. Naammassillugu nakkutilliinermut nalunaarusiap assilineqarnera ilaqutariinnut paarsisartutut nassiunneqassaaq.

Imm. 5. Immikkut ittumik pisoqartillugu imm. 4-mi piffissaliussaq avaqqunneqarsinnaavoq.

§ 25. § 24 malillugu kommunalbestyrelsip nakkutilliinermi nalunaarusiamut ilanngullugit allassinnaavai:

- 1) paasisimasat ilisimatitsissutillu, aamma
- 2) pissutsit iluarsineqartariaqartut iliuseqarfigineqartariaqartullu pillugit siunnersuutit.

Imm. 2. Imm. 1 malillugu oqaaseqaatit siunnersuutilluunniit ilaqutariit paarsisartut oqaloqatigineqareerneratigut suliarineqartassapput, aamma pissutsit oqaaseqaateqarnermut imaluunniit inassuteqarnermut tunngavioq qanoq pitsaanerulersinnaanerannut imaluunniit aaqqiiffigineqarsinnaanerannut ilitersuummik imaqqassallutik.

Kapitali 5

Meeqqanut ulloq unnuarlu paaqqinnittarfinnik ingerlatsinermut sammititamik nakkutilliineq

§ 26. Nakkutilliinermik ingerlatsivik Meeqqat tapersorsorneqarnissaannut Inatsisartut inatsisaanni § 34-mi, imm. 1 malillugu meeqqanut ulloq unnuarlu paaqqinnittarfinni, matumani aamma meeqqanut ulloq unnuarlu paaqqinnittarfiit immikkoortortaanni isumannaallisakkani ingerlatsineq nakkutigissavaa. Ulloq unnuarlu paaqqinniffiup pitsaassusissamik attassiinnarnissaa akuersisummilu piumasaqaatinik naammassinnittuujarnissaa nakkutilliinerup qulakkiissavaa, kiisalu ulloq unnuarlu paaqqinniffiup Naalakkersuisullu akornanni ingerlatsinissamut tunngatillugu isumaqatigiissutaasa naammassineqarnissaa qulakkiissallugu.

Imm. 2. Nakkutilliinermik ingerlatsivik ingerlatsinermut sammititamik nakkutilliinermut atillugu ulloq unnuarlu paaqqinniffimmi pissutsit misissorlugillu ulloq unnuarlu paaqqinniffimmi sulisunik oqaloqateqartassaaq.

Imm. 3. Nakkutilliinermik ingerlatsivik nakkutilliinermik suliassamik isumaginninnermini ulloq unnuarlu paaqqinnittarfimmut nalunaaqqaarluni nakkutilliartortassaaq, paasissutissanillu ulloq unnuarlu paaqqinniffimmit pissarsisassalluni.

Imm. 4. Nakkutilliinermik ingerlatsivik imm. 3 malillugu nalunaaqqaarluni nakkutilliartortarnerup saniatigut aamma nalunaaqqaarani ulloq unnuarlu paaqqinnittarfimmut nakkutilliartorsinnaavoq.

Imm. 5. Imm. 1 malillugu nakkutilliineq toraagalimmik nakkutilliinertut ingerlanneqassaaq, tassani suliassaqrfit toqqakkat taamaallaat ukkatarineqassallutik.

§ 27. § 26 malillugu ingerlatsinermut sammititamik nakkutilliineq ingerlanneqassaaq assigiimmik, aaqqissuussaasumik uppersaaserluakkamillu ulloq unnuarlu paaqqinniffiup tunniussasaanik inissatigullu atugassarititaanik, kiisalu ulloq unnuarlu paaqqittarfiup suliassamik isumaginnittarneranik nalilersuinissamut tunngavissiisumik.

Imm. 2. Nakkutilliineq ingerlanneqassaaq inunnit suliap, aaqqissuusaanerup aningaasaqarnerullu ataqatigiinnissaannik paasinnissinnaasunit taamalu ulloq unnuarlu paaqqinniffiup unammillernartoqartitaanik ingerlariaqqinnissamullu periarfissaanik nalunaaruteqarsinnaasunit.

Imm. 3. Nakkutilliinermut atatillugu Nakkutilliinermik ingerlatsiviup ulloq unnuarlu paaqqinniffimmi aqutsisut, sulisut meeqqallu inissinneqarsimasut oqaloqatigalugit peqataatittassavai. Nakkutilliinermut atatillugu meeqqanut angajoqqaatut oqartussaassuseqartut aamma ulloq unnuarlu paaqqinniffiup suleqatigisai oqaloqatigalugit peqataatinneqassapput.

Imm. 4. Nakkutilliinermut atatillugu siusinnerusukkut nakkutilliinermi nalunaarusiaasimasuni oqaaseqaatit, inassutigisimasat peqqussutillu aaqqissuussaasumik malitseqartinneqartarnissaat Nakkutilliinermik ingerlatsivimmit qulakkeerneqassaaq.

§ 28. § 26 malillugu ingerlatsinermut sammititamik nakkutilliinerup makku imarissavai:

- 1) Meeqqat ilinniarnissamut sulinissamullu periarfissaat.
- 2) Meeqqat nammineersinnaalernissaminnut aamma ilaquuttaminnut attaveqaatiminnullu atassuteqarnissaannut periarfissaat.
- 3) Ulloq unnuarlu paaqqinniffiup saaffigisai, matumani ulloq unnuarlu paaqqinniffiup sullinniakkaminut neqeroorutigisaata imarisai kiisalu meeqqat inuunerminnut sunniuteqaqataanerat.
- 4) Ulloq unnuarlu paaqqinniffiup periaasii angusaalu, matumani perorsaanikkut, tarnip pissusaanik ilisimatusarnikkut imaluunniit ilaqutariinnik katsorsaanikkut suleriaatsit.
- 5) Ulloq unnuarlu paaqqinniffimmi aaqqissuussaaneq aqutsisullu.
- 6) Ulloq unnuarlu paaqqinniffimmi sulisoqarnikkut piginnaasat.
- 7) Ulloq unnuarlu paaqqinniffimmi aningaasaqarneq, matumani kukkunersiuisunit akuerineqarsimasumik naatsorsuuteqarnerisat.
- 8) Ulloq unnuarlu paaqqinniffimmi inissatigut atugassarititat, matumani sullinniakkat pisariaqartitaannut aamma ulloq unnuarlu paaqqinniffiup periaasaanut naapertuunnersut.

Imm. 2. Sammineqartut tamarmik arlalitsigut naapertuuttunik tunngavilersorlugit itisilerneqassapput, ulloq unnuarlu paaqqinniffiup tamakkiisumik siumullu isigisumik aaqqissugaanik takutitsisumik.

§ 29. Ulloq unnuarlu paaqqinniffik ileqqoreqqusanik malinninnerisat Nakkutilliinermik ingerlatsiviup misissussavaa.

§ 30. § 26 malillugu ulloq unnuarlu paaqqinniffimmi Nakkutilliinermik ingerlatsivik nakkutilliinermik ingerlatsinermut sammititamik nakkutilliinermi Nakkutilliinermik ingerlatsivik paasissutissanik pisariaqartitamik qinnuiginnikkuni, ulloq unnuarlu paaqqinniffiup tunniutissavai.

Imm. 2. Nakkutilliinermut paasissutissanik ingerlatitseqqinneq pisariaqartuusorineqarpat, meeqqanut angajoqqaatut oqartussaassuseqartut akuersisinnikkaluarlugit, ulloq unnuarlu paaqqinniffimmiit paasissutissanik ingerlatitseqqinneq Nakkutilliinermik ingerlatsivimmut pisinnaavoq.

§ 31. Nakkutilliinermik ingerlatsivik ulloq unnuarlu paaqqinniffimmi pissutsinik ernumanartunik maluginiagaqarpat, Nakkutilliinermik ingerlatsivik isumaginninnermut aqutsisoqarfimmut aamma kommunalbestyrelsinut inissiisimasunut nalunaarfiginnittassaaq, meeraq imaluunniit meeqqat pissutsinik ernumanartunik sunnerneqarsinnaappata.

§ 32. Nakkutilliinermik ingerlatsivik kommunalbestyrelsimut inissiisuusimasumut ingerlaannaq nalunaaruteqassaaq, meeqqap ilorrisimaarneranut, peqqissusaanut imaluunniit ineriartorneranut annertuumik innarliisinnaasumik pasitsaassisoqarsimappat uku pissutigalugit:

- 1) meeqqamik amigartumik isumassuineq isumaginninnerluunniit,
- 2) timikkut nakuuserfigineqarsimappat tarnikkulluunniit ikilertissimappat, paarsinerluttoqarsimappat kinguaassiutitigulluunniit innarliisoqarsimappat,
- 3) meeqqap atornerluinermik ajornartorsiutaanik, pinerluttarneranik imaluunniit allatigut pissusilersornikkut naleqqussarniarnikkulluunniit ajornartorsiutaanik naammaginangitsumik katsorsaaneq.

Imm. 2. Nakkutilliinermik ingerlatsiviup nakkutilliinermi allatigulluunniit paasiguniuk meeqqap inissitap imm. 1-imi pissutsit pineqartut naammagittaalliutigisimagai imaluunniit nalunaarutigisimagai Nakkutilliinermik ingerlatsiviup misissussavaa naammagittaalliut imaluunniit nalunaarut malitseqartinneqarsimanersoq.

Peqqussut

§ 33. Nakkutilliinermik ingerlatsivik ulloq unnuarlu paaqqinnittarfimmut peqqussuteqarsinnaavoq. Peqqusinerup eqquutsinneqarnissaanut piffissaliussaq Nakkutilliinermik ingerlatsiviup aalajangersassavaa.

Imm. 2. Peqqussuteqarnissamik taamaallaat aalajangiisoqarsinnaavoq pissutsit peqqussuteqarnissamik eqqarsaateqarnermut tunngaviusut pillugit ulloq unnuarlu paaqqinniffimmi sulisut oqaloqatigineqareernerisigut. Pissutsilli immikkut ittut pisariaqartilerpassuk peqqussuteqarnissaq ingerlaannartumik aalajangerneqarsinnaavoq.

Imm. 3. Peqqussuteqarnissamik taamaallaat aalajangiisoqarsinnaavoq ulloq unnuarlu paaqqinniffiup pissutsinik aalajangiinermut tunngaviusunik aaqqiisinaanerat aaqgeerusunnerallu ilimanaateqarsorineqarpat.

Imm. 4. Imm. 1 malillugu peqqussummik eqquutsitsinissaq akuersisummik peqaannarnissamut piumasaqaatinngortinneqarsinnaavoq.

Imm. 5. Ulloq unnuarlu paaqqinniffik imm. 1 malillugu peqqussummik eqquutsitsinnaanngippat ulloq

unnuarlu paaqqinnittarfimmut akuersissutip atorunnaarsinneqarnissaa naalakkersuisoqarfiup isumaginninnermut akisussaasuusup ulloq unnuarlu paaqqinnittarfinnik pilersitsineq ingerlatsinerlu pillugit Namminersorlutik Oqartussat nalunaarutaat malillugu aalajangersinnaavaa.

Imm. 6. Nakkutilliinermik ingerlatsivik peqqusippat, imm. 4 malillugu piumasagaatinngortinneqarsimasumik Nakkutilliinermik ingerlatsivik kommunalbestyrelsit inissiisuusut tamatumanga ilisimatinneqassapput.

Annertusisamik nakkutilliineq

§ 34. Immikkut nassuiakkamik annertusisamik nakkutilliisoqarnissaa pisariaqartinneqartoq kommunalbestyrelsimit nalilernerqarpat Kommunalbestyrelse annertusisamik nakkutilliisoqarnissaanik aalajangiisinnaavoq. Sivisussusissaa pissutsit ataasiakkaat aalajangersimasut suuneri tunngavigalugit aalajangersarneqartassaaq, taamaattoorli nakkutilliineq ataaseq sivisunerpaamik qaammatinik pingasunik sivisussuseqartassaaq.

Imm. 2. Annertusisamik nakkutilliineq nalunaaqqaarluni nalunaaqqaaranilu ingerlanneqarsinnaavoq.

Imm. 3. Annertusisamik nakkutilliinissamut tunngaviusinnaapput:

- 1) nakkutilliinermi nalunaarusiaq ataaseq inerniliippat ulloq unnuarlu paaqqinnittarfiit ataasiakkaat ajornartorsiutaat immikkut ittut nalinginnaasulluunniit misissoqqinneqarnissaat pisariaqartoq,
- 2) ulloq unnuarlu paaqqinniffiup naammagittaalliutigineqarsimanera,
- 3) ulloq unnuarlu paaqqinniffimmi Nakkutilliinermik ingerlatsivimmit maluginiakkat nalinginnaasut imaluunniit immikkut ittut, imaluunniit
- 4) ataatsimut naliliineq malillugu ulloq unnuarlu paaqqinniffik pisariaqartinneqartumik pitsaassuseerussimasoq.

Imm. 4. Annertusisamik nakkutilliisoqarnissaanik taamaallaat aalajangiisoqarsinnaavoq pissutsit annertusisamik nakkutilliinissamik eqqarsaateqarnermut tunngaviusut pillugit ulloq unnuarlu paaqqinniffimmi sulisut oqaloqatigineqareernerisigut. Pissutsilli immikkut ittut pisariaqartilerpasuk annertusisamik nakkutilliisoqarnissaa ingerlaannartumik aalajangerneqarsinnaavoq.

Imm. 5. Annertusisamik nakkutilliisoqarnissaanik taamaallaat aalajangiisoqarsinnaavoq ulloq unnuarlu paaqqinniffiup pissutsinik aalajangiinermut tunngaviusunik aaqqiisinaanera aaqkeerusunneralu ilimanaateqarsorineqarpat. Ulloq unnuarlu paaqqinniffiup pissutsinik ernumanartunik aaqqiisinaanera imaluunniit aaqkeerusunnera ilimagineqanngippat, ulloq unnuarlu paaqqinnittarfimmut akuersissutip atorunnaarsinneqarnissaa naalakkersuisoqarfiup isumaginninnermut akisussaasuusup Meeqqanut ulloq unnuarlu paaqqinniffinnik pilersitsineq ingerlatsinerlu pillugit Namminersorlutik Oqartussat nalunaarutaat malillugu aalajangersinnaavaa.

Imm. 6. Nakkutilliinermik ingerlatsivik annertusisamik nakkutilliisoqarnissaanik aalajangiippat, kommunalbestyrelsit inissiisuusut Nakkutilliinermik ingerlatsivimmit ilisimatinneqassapput.

Nakkutilliinermi nalunaarusiaq

§ 35. Nakkutilliinermik ingerlatsivik §§ 26 aamma 34 malillugit ulloq unnuarlu paaqqinniffimmi ingerlatsinermut sammititamik nakkutilliinermi tamanit nalunaarusiortassaaq.

Imm. 2. Nakkutilliisimanermi nalunaarusiami paasissutissat tulluuttut saqqummiunneqassapput:

- 1) Ulloq nakkutilliiffusoq.
- 2) Kina nakkutilliinermik ingerlatsisimanersoq.
- 3) Nakkutilliartornissaq nalunaarutigeqqarneqarsimanersoq imaluunniit nalunaarutigeqqarneqarsimannginnersoq.
- 4) Nalinginnaasumik imaluunniit annertusisamik nakkutilliineq pineqarnersoq.
- 5) Nakkutilliinermik ingerlatsiviup nakkutilliartortoqannginnerani paasissutissanik sunik piniarsimanersoq.
- 6) Nakkutilliinermik ingerlatsivik nakkutilliinermiut atatillugu kikkunnik oqaloqateqarsimanersoq.
- 7) Meeqqat qassit inissat eqqarsaatigalugit ulloq unnuarlu paaqqinniffimmi inissinneqarnissamut allatsinnikuunersut kiisalu meeqqat qassinik ukioqarnersut meeqqallu tapersorsorneqarnissamik pisariaqartitaat.
- 8) Ukiumi kingullermi pissaanermik atuinerit qassiusimanersut.
- 9) Nakkutilliinermi maluginiarneqartut suuneri.
- 10) Ulloq unnuarlu paaqqinniffiup meeqqanik paaqqinniffimmiittuutigineqartut nalunaarneqarsimasunik katsorsaannissamik isumassuinnissamillu suliaasinik isumaginninnissamut piimasaqaatinik malinninneranik naliliineq.
- 11) Ulloq unnuarlu paaqqinnittarfimmut akuersissummi piimasaqaatit ulloq unnuarlu paaqqinniffimmit sulii malinneqarnersut pillugu naliliineq.
- 12) Nakkutilliisoqarsimanerata kingunerisaanik akuersissummik atorunnaarsitsinissamik peqqusinerup aamma paasissutissanik kommunalbestyrelsimut kommunalbestyrelsinulluunniit inissiisimasunut ingerlatitseqqissimanerup malitsigisaannik qisuariaataasimasut, matumani annertusisamik nakkutilliisoqarnissaanik aalajangiineq.

Imm. 3. § 26, imm. 5 malillugu toraagalimmik nakkutilliinermi nakkutilliinermiut nalunaarusiaq suliaasaqarfii toqqakkat ukkatarineqartut pillugit paasissutissanik taamaallaat imaqaassaaq.

§ 36. § 35 malillugu inaarutaasumik nakkutilliinermiut nalunaarusiap suliarineqariarluni ulloq unnuarlu paaqqinnittarfimmut nassiunneqannginnerani nakkutilliinermiut nalunaarusiaq minnerpaamik ulluni 14-ini ulloq unnuarlu paaqqinnittarfimmut kiisalu oqartussaqaqarfimmut ulloq unnuarlu paaqqinniffimmi ingerlatsisumut tusarniaassutigineqassaaq.

Imm. 2. Nakkutilliinermiut nalunaarusiaq naammassillugu kingusinnerpaamik ullormi nakkutilliiffusimasumit qaammatit pingasut qaangiunnerisa kingornatigut suliarineqareersimassaaq.

Imm. 3. Immikkut ittumik pisoqartillugu imm. 1-imi aamma 2-mi piffissaliussat avaqqunneqarsinnaapput.

Imm. 4. Nakkutilliisimanermiut nalunaarusiaq isumaginninnermut aqutsisoqarfimmut kiisalu kommunalbestyrelsinut meeqqanik ulloq unnuarlu paaqqinnittarfimmut inissiisimasunut ilisimatitsissutitut nassiunneqassaaq.

Imm. 5. Nakkutilliinermiut nalunaarusiaq Naalakkersuisut nittartagaatigut kiisalu ulloq unnuarlu paaqqinniffiup nittartagaatigut avammut nalunaarutigineqassaaq.

§ 37. Nakkutilliinermik ingerlatsiviup § 35 malillugu nakkutilliinermiut nalunaarusiami allassinnaavaa:

- 1) paasisimasat ilisimatitsissutillu, aamma
- 2) pissutsit iluarsineqartariaqartut qisuariarfigineqartariaqartullu pillugit inassutigisat

Imm. 2. Imm. 1 malillugu oqaaseqaatit imaluunniit inassutigisat ulloq unnuarlu paaqqinniffiup

oqaloqatigineqareerneratigut suliarineqartassapput, aamma pissutsit oqaaseqaateqarnermut imaluunniit inassuteqarnermut tunngaviusut qanoq pitsaanerulersinnaanerannut imaluunniit aaqqiiffigineqarsinnaanerannut ilitersuummik imaqaassallutik.

§ 38. § 35 malillugu Nakkutilliinermik ingerlatsivik nakkutilliinermi nalunaarusiami ulloq unnuarlu paaqqinnittarfimmut inassutiginnissinnaavoq imaluunniit peqqusisnaavoq pissutsit inassuteqarnermut imaluunniit peqqussuteqarnermut tunngaviusut qanoq aaqqiivigissallugit naatsorsuutigisat allaganngorlugit pilersaarummik suliaqarfigissagai, matumani piffissamik killiliussisassaaq.

Kapitali 6

Inunnut innarluutilinnut najugaqarfissatut neqeroorutini najugaqartunut inummut sammititamik nakkutilliineq

§ 39. Inuup innarluutillip najugaqarfigisaani kommunimi angerlarsimaffigisami kommunalbestyrelse najugaqarfissatut neqeroorumi ukiumut marloriarluni inummut sammititamik nakkutilliisassaaq.

Imm. 2. Inuk innarluutilik kommunimut allamut inissinneqarsimappat, kommunalbestyrelse inissiisoq sinnerlugu taanna nakkutilliinermik ingerlatsisarnissaa pillugu, kommunalbestyrelse inissiisuusoq kommunimilu inissiiffusumi kommunalbestyrelse isumaqatigiissusiorfigisinnaavaa.

Imm. 3. Imm. 2 malillugu inummut sammititamik nakkutilliinissamik isumaqatigiissuteqartoqarsimappat nalunaarummi matumani aalajangersakkat malillugit nakkutilliinissaq kommunalbestyrelsip inissiisup sulii akisussaaffigissavaa.

§ 40. § 39 malillugu inummut sammititamik nakkutilliineq inuk innarluutilik pillugu iliuusissanut pilersaarutaataa najugaqarfissatut neqeroorummik malinneqassasoq aamma tapersersuineq naammassasoq kiisalu inuup pisariaqartitai eqqarsaatigalugit naleqquttuussasoq pillugit ingerlaavartumik qulakkeernittoqassaaq, matumani makku ilanngullugit:

- 1) inuup innarluutillip najugaqarfissatut neqeroorumi sumiginnarneqannginnissaa imaluunniit innarlerneqannginnissaa,
- 2) inuup taassumalu angajoqqaatut sinniisoqaruni sinniisorisaata imaluunniit angajoqqaatut oqartussaasuisa pisinnaatitaaffimminnik ilisimatinneqarsimanissaat,
- 3) suliat pillugit naammagittaalliortoqarsimatillugu angusat, inuup peqataaffigisaani, inummut taassumalu angajoqqaatut sinniisoqaruni sinniisorisaata imaluunniit angajoqqaatut oqartussaasuisa kiisalu inuup sullissisuanut anngunneqarnissaat,
- 4) iliuusissanut pilersaarummi anguniakkat najugaqarfissatut neqeroorummik inissinneqarnissami naammassineqarsinnaassasut,
- 5) najugaqarfissatut neqeroorumi periaatsit inummut naleqquttuussasut aamma
- 6) pissaanermik atuisimanerit malitseqartinneqartassasut pissaanermillu atuisimaneq pillugu nalunaarutit tunngavigalugit inuk innarluutilik ulloq unnuarlu paaqqinniffimmi eqqortumik tapersersorneqarnerasoq naliliiffigineqartassasoq.

Imm. 2. Inuit innarluutillit tapersersorneqarnissaat pillugu Inatsisartut inatsisaanni § 48 malillugu inuk ulloq unnuarlu paaqqinniffimmi najugaqarpat, nakkutilliinerup makku aamma qulakkiissavai:

- 1) ulloq unnuarlu paaqqinniffimmit killiiffimmik nalunaarutit aamma katsorsaanissamik pilersaarutiniq nutarterinerit aqqutigalugit ingerlaavartumik nalunaaruteqartoqartassasoq, aamma

2) inuup inuttut ineriartornera, ilorrisimaarnera peqqissusialu iliuusissanut aamma ineriartortinneqarnissamik pilersaarutini suliarineqarsimasuni malinneqassasut.

§ 41. § 39 malillugu inummut sammititamik nakkutilliinermut atatillugu inuk innarluutilik kommunalbestyrelsimit oqaloqatigineqartassaaq.

Imm. 2. Imm. 1 malillugu kommunalbestyrelsip oqaloqatiginninnermini inuup innarluuteqarnera mianerissavaa aammalu oqaloqateqarneq inuup innarluutillip piumasai tunngavigalugit ingerlatissallugu.

Imm. 3. Imm. 1 malillugu Kommunalbestyrelse oqaloqatiginninnermini Inuit innarluutillit tapersorsorneqarnissaat pillugu Inatsisartut inatsisaanni § 24 malillugu inuk isumaginninnermi sulianik ilisimasalimmik illersuisoqarnissaanik neqeroorfigissavaa.

Imm. 4. Inuk innarluutilik 18-it inorlugit ukioqarpat imaluunniit nammineersinnaajunnaarsitaasimappat imm. 1 malillugu oqaloqatigineqarnera, inuk innarluutilik, taassumalu angajoqqaatut akisussaasui imaluunniit angajoqqaatut sinniisoqarsimaguni sinniisua, peqataatillugit ingerlanneqassaaq. Taamaattoq inummut innarluutilimmut mianerisassat tamanna pisariaqartippassuk, angajoqqaatut oqartussaasut imaluunniit angajoqqaatut sinniisuusoq akuersitinnagu imaluunniit najuutsinnagu oqaloqateqarneq ingerlanneqarsinnaavoq. Angajoqqaatut akisussaasut imaluunniit angajoqqaatut sinniisoq akuersiteqqaarnagit peqataatinnagilluunniit oqaloqateqarneq ingerlanneqassappat, taava § 24 malillugu illersuisumik toqqaasoqassaaq ilaasoqarlunilu.

Imm. 5. Inuup inerisimanera piginnaasaqarneralu imaluunniit suliap suussusaa eqqarsaatigalugit oqaloqateqarnerup ingerlanneqarnissaa aalajangiisuusumik naleqqutinngippat, imm. 1 malillugu oqaloqateqarneq ingerlanneqassanngitsoq kommunalbestyrelsip aalajangersinnaavaa. Oqaloqateqarneq ingerlanneqarsinnaanngippat, inuup innarluutillip aalajangiinissatut eqqarsaatigineqartumut isumaa allatut pissarsiariniarneqassaaq. Oqaloqateqarneq pisimanngippat, inuup iliuusissanut pilersaarutaani tamanna pissutaasorlu pillugit allattoqassaaq.

§ 42. § 39 malillugu kommunalbestyrelse inummut sammititamik nakkutilliinermut atatillugu najugaqarfissatut neqeroorummi pissutsinik ernumanartunik maluginiagaqarpat, inuillu innarluutillit najugaqarfissatut neqeroorummiittut pissutsinik ernumanartunik sunnerneqarsinnaappata, oqartussaasoqarfirmut ingerlatsineq pillugu nakkutilliisussaataasumut kiisalu kommunalbestyrelsinut inissiisimasunut kommunalbestyrelse nalunaaruteqassaaq.

§ 43. § 39 malillugu kommunalbestyrelse ingerlatsinermut sammititamik nakkutilliinerit tamaasa naammassigaangamigit nakkutilliinermut nalunaarusiamik suliaqartassaaq.

Imm. 2. Nakkutilliisimanermut nalunaarusiami paasissutissat tulluuttut saqqummiunneqassapput:

- 1) Ulloq nakkutilliiffusoq.
- 2) Kina nakkutilliinermik ingerlatsisimanersoq.
- 3) Nakkutilliartortoqannginnerani kommunalbestyrelse paasissutissanik sunik piniarsimanersoq.
- 4) Kommunalbestyrelsip nakkutilliinermut atatillugu kikkunnik oqaloqateqarsimanersoq.
- 5) Nakkutilliinermi maluginiarneqartut.
- 6) Najugaqarfissatut neqeroorummi inuup pisariaqartitaanik ineriartornissamullu periarfissaanik isumaginninnernik nalilersuinerit.
- 7) Nakkutilliinerup malitsigisaanik qisuariaataasinnaasut, matumani kommunimut angerlarsimaffiusumut

paasissutissanik ingerlatitseqqinnerit ilanngullugit.

Imm. 3. § 41, imm. 5 malillugu kommunalbestyrelse inummik oqaloqateqarsimangippat oqaloqatiginnissimanginnermut peqqutaasoq nakkutilliineq pillugu nalunaarusiami allanneqassaaq.

Kapitali 7

Najugaqaqatigiiffinnik najugaqarfinnillu illersugaasunik ingerlatsinermut sammititamik nakkutilliineq

§ 44. Kommunalbestyrelse ukiumut ataasiarluni aamma pisariaqartitsineq naapertorlugu najugaqaqatigiiffinnik najugaqarfinnillu illersugaasunik kommunalbestyrelsimit pilersinneqarsimasunik ingerlanneqartunillu ingerlatsinermut sammititamik nakkutilliisassaaq. Nakkutilliinikkut najugaqarfissatut neqeroorut sulii pisariaqartinneqartumik pitsaassuseqarnersut qulakkeerneqassaaq.

Imm. 2. Kommunalbestyrelsip nakkutilliinermut atatillugu najugaqarfissatut neqeroorummi pissutsit misissorlugillu najugaqarfissatut neqeroorut oqaloqatigissavaa.

Imm. 3. Kommunalbestyrelsip nakkutilliinermi:

- 1) najugaqarfissatut neqeroorut nalunaaqqaarluni nakkutilliiartorfigisassavaa,
- 2) najugaqarfissatut neqeroorut paasissutissanik piniarfigisassavaa, aamma
- 3) inunnit najugaqarfissatut neqeroorummi najugaqartunit paasissutissanik pissarsiniassaaq.

Imm. 4. Kommunalbestyrelsip imm. 3 nr. 1 malillugu nalunaaqqaarluni nakkutilliiartortarnermi saniatigut taamatuttaaq najugaqarfissatut neqeroorut nalunaaqqaarnani nakkutilliiartorfigisinnaavaa.

§ 45. § 44 malillugu ingerlatsinermut sammititamik nakkutilliineq ima ingerlanneqassaaq, taamaalilluni assigiissumik, ataqatigiissillugu aqqissuussaasumik uppersaaserluakkamillu najugaqarfissatut neqeroorutip tunniussassaanik inissatigullu atugassarititaanik, kiisalu najugaqarfissatut neqeroorutip suliaaminik isumaginnittarneranik, nalilersuinissamut tunngavissiisalluni.

Imm. 2. Inunnit suliap, aqqissuusaanerup aningaasaqarnerullu ataqatigiinnissaannik paasinnissinnaasunit, taamalu najugaqarfissatut neqeroorutip unammillernartoqartitaanik ingerlariaqqinnissamullu periarfissaanik nalunaaruteqarsinnaasunit nakkutilliineq ingerlanneqassaaq.

Imm. 3. Nakkutilliinermi kommunalbestyrelsip nakkutilliinermi atatillugu oqaloqatiginninnermigut najugaqarfissatut neqeroorummi aqutsisut, sulisut inuillu najugaqartut peqataatissavai. Najugaqartut angajoqqaatut sinniisoqarpata, sinniisut aamma angajoqqaatut oqartussaasut, qanigisaasut allat imaluunniit suleqatigineqartut nakkutilliinermut atatillugu oqaloqatiginninnerni peqataatinneqarsinnaapput.

Imm. 4. Siusinnerusukkut nakkutilliinermi nalunaarusiaasimasuni oqaaseqaatit, inassutigisimasat peqqussutillu aqqissuussaasumik malitseqartinneqartarnissaat kommunalbestyrelsip nakkutilliinermut atatillugu qulakkiissavaa.

§ 46. § 44 malillugu ingerlatsinermut sammititamik nakkutilliinermi makku imarissavai:

- 1) Najugaqartut ilinniagaqarnissamik, sulilernissamik sammisassaqaarnissamilluunniit periarfissaat.
- 2) Najugaqartut ineriartornissaminut, periarfissaminik atorluaanissaminut tamatumuunakkullu sapinngisaq tamaat nammineersinnaanissaat periarfissinneqassalluni.
- 3) Najugaqarfissatut neqeroorutip sullinniagai, matumani najugaqarfissatut neqeroorutip najugaqatigiiffimmi sullinniakkanut neqeroorutai aamma najugaqartut namminneq inuunermillu

sunniuteqarsinnaanerit ilanngullugit.

najugaqartut namminneq inuunermittut sunniuteqarsinnaanerit.

4) Najugaqarfissatut neqeroorummi periaatsit angusallu, matumani perorsaanermi, tarnimut sunniisinaasunut tunngasut pillugit imaluunniit tarnikkut napparsimanermi nakorsarneqarnermi sulisaatsit ilanngullugit.

5) Najugaqarfissatut neqeroorummi aqqissuussaaneq aqutsinerlu.

6) Najugaqarfissatut neqeroorummi sulisoqarnikkut piginnaasat.

7) Najugaqarfissatut neqeroorummi init, matumani sullinniakkat pisariaqartitaannik tunngavissiiersut aamma najugaqarfissatut neqeroorummi periaatsit ilanngullugit

Imm. 2. Sammineqartut tamarmik arlalitsigut naapertuuttunik tunngavilersorlugit itisilernerqassapput, najugaqarfissatut neqeroorutip tamakkiisumik siumullu isigisumik aqqissugaanik takutitsisumik.

§ 47. Najugaqarfissatut neqeroorutip ileqqoreqqusamini piumasaqaatit naammassisimaneraa kommunalbestyrelsip misissussavai.

§ 48. § 44 malillugu kommunalbestyrelsip ingerlatsinermit sammititamik nakkutilliinissaminut paasissutissat pisariaqartitai pillugit najugaqarfissatut neqeroorut qinnuigineqarunik, paasissutissat kommunalbestyrelsimut tunniutissavai.

Imm. 2. Najugaqarfissatut neqeroorummit paasissutissanik kommunalbestyrelsimut ingerlatitseqqinneq nakkutilliinissamut pisariaqartuusorineqarpat, najugaqartut imaluunniit taakku angajoqqaatut sinnisoqarsimagunik sinniisui imaluunniit angajoqqaatut oqartussaassuseqartut akuersisinnikkaluarlugit pisinnaavoq.

§ 49. § 44 malillugu kommunalbestyrelse ingerlatsinermit sammititamik nakkutilliinerminut atatillugu najugaqarfissatut neqeroorummi ernumanartunik maluginiagaqaruni, najugaqartoq pissutsinik ernumanartunik sunnerneqarsinnaappat, kommunalbestyrelsimut inissiisuusimasumut kommunalbestyrelse nalunaaruteqassaaq.

Nakkutilliinermit nalunaarusiaq

§ 50. § 44 malillugu ingerlatsinermit sammititamik nakkutilliinerit tamaasa kommunalbestyrelse nakkutilliinermit nalunaarusiamik suliaqartassaaq.

Imm. 2. Nakkutilliinermit nalunaarusiami paasissutissat tulluuttut saqqummiunneqassapput:

- 1) Ulloq nakkutilliiffusoq.
- 2) Kina nakkutilliinermit ingerlatsisimanersoq.
- 3) Nakkutilliineq nalunaaqqaarluni nalunaaqqaarniluunniit ingerlaneqarsimanersoq.
- 4) Nakkutilliartortoqannginnerani kommunalbestyrelse paasissutissanik sunik piniarsimanersoq.
- 5) Kommunalebestyrelse nakkutilliinerminut atatillugu kikkunnik oqaloqateqarsimanersoq.
- 6) Atorfinnut akuersaasunut naleqqiullugu najugaqarfissatut neqeroorummi najugaqartut amerlassusaat aamma najugaqartut tapersorsorneqarnissamik pisariaqartitaat.
- 7) Ukiumi kingullermi pissaanermik atuinerit qassiusimanersut.
- 8) Nakkutilliinermit maluginiarneqartut.

9) Najugaqartut pisariaqartitaannik ineriartornissamullu periarfissaannik najugaqarfissatut neqeroorutip nalilersorneqarnera.

10) Nakkutilliinerup malitsigisaanik qisuariaataasinnaasut, matumani kommunalbestyrelsimut imaluunniit kommunalbestyrelsinut inissiisimasunut paasissutissanik ingerlatitseqqinnerit ilanngullugit.

Imm. 3. Nakkutilliinermit nalunaarusiaq najugaqarfissatut neqeroorummot tusarniaassutigineqassaaq, tassani tusarniaanermut akisummik tunniussinissamut ullut 14-it piffissaritinneqarlutik. Naammassillugu nakkutilliinermit nalunaarusiap assilineqarnera najugaqarfissatut neqeroorummot nassiunneqassaaq.

Imm. 4. Immikkut ittumik pisoqartillugu imm. 3-mi piffissaliussaq avaqqunneqarsinnaavoq.

§ 51. § 50 malillugu kommunalbestyrelsip nakkutilliinermit nalunaarusiami ilanngullugit taassavai:

1) oqaaseqaatit paasisimasat ilisimatitsissutillu, aamma

2) pissutsit iluarsineqartariaqartut iliuuseqarfigineqartariaqartullu pillugit innersuussutit.

Imm. 2. Imm. 1 malillugu oqaaseqaatit innersuussutilluunniit najugaqarfissatut neqeroorutip oqaloqatigineqareerneratigut suliarineqartassapput, aamma pissutsit oqaaseqaateqarnermut imaluunniit innersuussinermit tunngaviusut qanoq pitsaanerulersinnaanerannut imaluunniit aaqqiiffigineqarsinnaanerannut ilitersuummik imaqaassallutik.

Kapitali 8

Inunnut innarluutilinnut ulloq unnuarlu neqeroorutininik ingerlatsinermit sammititamik nakkutilliineq

§ 52. Inuit innarluutillit tapersersorneqarnissaannut Inatsisartut inatsisaanni § 18, imm. 1 malillugu nakkutilliinermit ingerlatsiviup ingerlatsinermit sammititamik inunnut innarluutilinnut ulloq unnuarlu paaqqinniffinnik nakkutilliissapput, matumani ulloq unnuarlu neqeroorutit matoqqasut ilanngullugit. Ulloq unnuarlu paaqqinniffimmi pitsaassutsit pisariaqartinneqartut sulii pigineqarnersut aamma ulloq unnuarlu paaqqinniffiup aamma Naalakkersuisut akornanni ingerlatsinissamut isumaqatigiissut naammassineqarnera nakkutilliinerup qulakkiissavaa.

Imm. 2. Nakkutilliinermit ingerlatsivik ingerlatsinermit sammititamik nakkutilliinermit atatillugu ulloq unnuarlu paaqqinniffimmi pissutsit misissorlugillu ulloq unnuarlu paaqqinniffimmi sulisunik oqaloqateqartassaaq.

Imm. 3. Nakkutilliinermit ingerlatsivik nakkutilliinermit suliaassamik isumaginninnermini ulloq unnuarlu paaqqinnittarfimmut nalunaaqqaarluni nakkutilliiartortassaaq, paasissutissanillu ulloq unnuarlu paaqqinniffimmit pissarsisassalluni.

Imm. 4. Nakkutilliinermit ingerlatsivik imm. 3 malillugu nalunaaqqaarluni nakkutilliiartortarnerup saniatigut aamma nalunaaqqaarani ulloq unnuarlu paaqqinnittarfimmut nakkutilliiartorsinnaavoq.

Imm. 5. Imm. 1 malillugu nakkutilliineq toraagalimmik nakkutilliinertut ingerlanneqassaaq, tassani suliaasaqarfiit toqqakkat taamaallaat ukkatarineqassallutik.

§ 53. § 52 malillugu ingerlatsinermit sammititamik nakkutilliineq ingerlanneqassaaq assigiimmik, aaqqissuussaasumik uppersaaserluakkamillu ulloq unnuarlu paaqqinniffiup tunniussassaannik inissatigullu atugassarititaanik, kiisalu ulloq unnuarlu paaqqittarfiup suliaassamik isumaginnittarneranik nalilersuinissamut tunngavissiisumik.

Imm. 2. Nakkutilliineq ingerlanneqassaaq inunnit suliap, aaqqissuusaanerup aningaasaqarnerullu

ataqatigiinnissaannik paasinissinnaasunit taamalu ulloq unnuarlu paaqqinniffiup unammillernartoqartitaanik ingerlariaqqinnissamullu periarfissaanik nalunaaruteqarsinnaasunit.

Imm. 3. Nakkutilliinermut atatillugu Nakkutilliinermik ingerlatsiviup ulloq unnuarlu paaqqinniffimmi aqutsisut, sulisut meeqqallu inissinneqarsimasut oqaloqatigalugit peqataatittassavai. Angajoqqaatut sinniisoqarsimappat sinniisut imaluunniit angajoqqaatut oqartussaasut, qanigisat allat imaluunniit suleqatigisat nakkutilliinermut atatillugu oqaloqatigiinnerni peqataatinneqarsinnaapput.

Imm. 4. Nakkutilliinermut atatillugu siusinnerusukkut nakkutilliinermi nalunaarusiaasimasuni oqaaseqaatit, inassutigisimasat peqqussutillu aaqqissuussaasumik malitseqartinneqartarnissaat Nakkutilliinermik ingerlatsivimmit qulakkeerneqassaaq.

§ 54. § 52 malillugu ingerlatsinermut sammititamik nakkutilliinerup makku imarissavai:

- 1) Najugaqartut ineriartornissaminut, periarfissaminik atorluannissaminut tamatumuunakkullu sapinngisaq tamaat nammineersinnaanissaat periarfissinneqassalluni.
- 2) Najugaqartut ilinniagaqarnissamik, sulilernissamik sammisassaqaqarnissamilluunniit periarfissaat.
- 3) Ulloq unnuarlu paaqqinniffiup sullinniagai, matumani najugaqarfissatut neqeroorutip najugaqatigiiffimmi sullinniakkanut neqeroorutai aamma najugaqartut namminneq inuunermillu sunniuteqarsinnaanerat ilanngullugit.
- najugaqartut namminneq inuunerminnut sunniuteqarsinnaanerat.
- 4) Ulloq unnuarlu paaqqinniffimmi periaatsit angusallu, matumani perorsaanermi, tarnimut sunniisinnaasunut tunngasut pillugit imaluunniit tarnikkut napparsimanermi nakorsarneqarnermi sulisaatsit ilanngullugit.
- 5) Ulloq unnuarlu paaqqinniffimmi aaqqissuussaaneq aqutsinerlu.
- 6) Ulloq unnuarlu paaqqinniffimmi sulisoqarnikkut piginnaasat.
- 7) Ulloq unnuarlu paaqqinniffimmi init, matumani sullinniakkat pisariaqartitaannik tunngavissiinersut aamma najugaqarfissatut neqeroorummi periaatsit ilanngullugit.

Imm. 2. Sammineqartut tamarmik arlalitsigut naapertuuttunik tunngavilersorlugit itisilernerqassapput, ulloq unnuarlu paaqqinniffiup tamakkiisumik siumullu isigisumik aaqqissugaanik takutitsisumik.

§ 55. Ulloq unnuarlu paaqqinniffik ileqqoreqqusanik malinninnersoq Nakkutilliinermut ingerlatsiviup misissussavaa.

§ 56. § 52 malillugu Nakkutilliinermut ingerlatsiviup ingerlatsinermut sammititamik nakkutilliinissaminut paasissutissat pisariaqartitai pillugit ulloq unnuarlu neqeroorut qinnuigineqaruni, paasissutissat kommunalbestyrelsimut tunniutissavai.

Imm. 2. Ulloq unnuarlu paaqqinniffimmit paasissutissanik ingerlatitseqqinneq nakkutilliinissamut pisariaqartuusorineqarpat, Nakkutilliinermik ingerlatsivimmut paasissutissanik ingerlatitseqqinneq, najugaqartut imaluunniit taakku angajoqqaatut sinniisoqarsimagunik sinniisut imaluunniit angajoqqaatut oqartussaassuseqartut akuersisinnigikkaluarlugit pisinnaavoq.

§ 57. Nakkutilliinermik ingerlatsivik ulloq unnuarlu paaqqinniffimmi pissutsinik ernumanartunik maluginiagaqarpat, najugaqartut pissutsinik ernumanartunik sunnerneqarsinnaappata, Nakkutilliinermik

ingerlatsivik Isumaginninnermut Aqutsisoqarfimmut aamma kommunalbestyrelsinut inissiisimasunut nalunaaruteqartassaaq.

§ 58. Najugaqartup ilorrisimaarneranut, peqqissusaanut imaluunniit ineriartorneranut annertuumik innarliisinnaasumik pasitsaassisoqarsimappat uku pissutigalugit Nakkutilliinermik ingerlatsivik kommunalbestyrelsimut inissiisuusimasumut erngerluni nalunaaruteqassaaq:

- 1) inummik amigartumik isumassuisoqarpat sullissisoqarpalluunniit,
- 2) timikkut nakuuserfigineqarsimappat tarnikkulluunniit ikilernerqarsimappat, kinguaassiutitigulluunniit atornerlunneqarsimappat,
- 3) inuup atornerluisuunermik ajornartorsiuteqarneranik, pinerluuteqarnermik pissusilersortarnernik imaluunniit inummi pissusilersortarnikkut- inoqatinulluunniit naleqqussarsinnaanermut allanik annertuunik ajornartorsiuteqarpat, naamanngitsunik katsorsaaneq.

Imm. 2. Nakkutilliinermik ingerlatsiviup nakkutilliinermini allatigulluunniit paasiguniuk najugaqartoq imm. 1-imi pissutsit pineqartut naammagittaalliutigisimagai imaluunniit nalunaarutigisimagai, naammagittaalliut imaluunniit nalunaarut malitseqartinneqarsimanersoq Nakkutilliinermik ingerlatsiviup misissussavaa.

Peqqussut

§ 59. Nakkutilliinermik ingerlatsivik ulloq unnuarlu paaqqinnittarfimmut peqqussuteqarsinnaavoq. Peqqusinerup eqquutsinneqarnissaanut piffissaliussaq Nakkutilliinermik ingerlatsiviup aalajangersarsinnaavaa.

Imm. 2. Peqqussuteqartoqarnissaanik taamaallaat aalajangiisoqarsinnaavoq pissutsit peqqussuteqarnissamik eqqarsaateqarnermut tunngaviusut pillugit ulloq unnuarlu paaqqinniffimmi sulisut oqaloqatigineqareernerisigut. Pissutsilli immikkut ittut periarfissaqartinnerisigut peqqussuteqarnissaq erngerluni aalajangerneqarsinnaavoq.

Imm. 3. Peqqussuteqarnissamik taamaallaat aalajangiisoqarsinnaavoq ulloq unnuarlu paaqqinniffiup pissutsinik aalajangiinermut tunngaviusunik aaqqiisinaanera aaqqeerusunnerallu ilimanaateqarsorineqarpat.

Annertusisamik nakkutilliineq

§ 60. Immikkut nassuiakkamik annertusisamik nakkutilliisoqarnissaa pisariaqartinneqartoq Nakkutilliinermik ingerlatsivimmit nalilerneqarpat Nakkutilliinermik ingerlatsivik immikkut ittumik annertusisamik nakkutilliisoqarnissaanik aalajangiisinnaavoq. Sivisussusissaa pissutsit ataasiakkaat aalajangersimasut suuneri tunngavigalugit aalajangersarneqartassaaq, taamaattoq piffissami annerpaamik qaammatinik pingasukkaartunik sivisunerussanani.

Imm. 2. Annertusisamik nakkutilliineq nalunaaqqaarluni nalunaaqqaaranilu ingerlanneqarsinnaavoq.

Imm. 3. Annertusisamik nakkutilliinissamut tunngaviusinnaapput:

- 1) ulloq unnuarlu paaqqinnittarfiup ajornartorsiutaata immikkut ittup nalinginnaasulluunniit misissoqqinneqarnissaat pisariaqartoq nakkutilliinermi nalunaarusiaq inerniliippat,
- 2) ulloq unnuarlu paaqqinniffimmi naammagittaalliutiginninneq,

3) ulloq unnuarlu paaqqinniffimmi Nakkutilliinermik ingerlatsivimmit maluginiakkat nalinginnaasut imaluunniit immikkut ittut, imaluunniit

4) ataatsimut naliliineq malillugu ulloq unnuarlu paaqqinniffik pisariaqartinneqartumik pitsaassuseqarunnaarsimappat.

Imm. 4. Pissutsit annertusisamik nakkutilliinissamik eqqarsaateqarnermut tunngaviusut pillugit ulloq unnuarlu paaqqinniffimmi sulisut oqaloqatigineqareernerisigut annertusisamik nakkutilliisoqarnissaanik taamaallaat aalajangiisoqarsinnaavoq. Pissutsilli immikkut ittut pisariaqartilerpassuk annertusisamik nakkutilliisoqarnissaa ingerlaannartumik aalajangerneqarsinnaavoq.

Imm. 5. Ulloq unnuarlu paaqqinniffiup pissutsinik aalajangiinermut tunngaviusunik aaqqiisinaanera aaqqeerusunneralu ilimanaateqarsorineqarpat annertusisamik nakkutilliisoqarnissaanik taamaallaat aalajangiisoqarsinnaavoq.

Nakkutilliinermi nalunaarusiaq

§ 61. §§ 52 aamma 60 naapertorlugit Nakkutilliinermik ingerlatsivik ulloq unnuarlu paaqqinniffimmi ingerlatsinermut sammititamik nakkutilliinernit tamanit nalunaarusiortassaaq.

Imm. 2. Nakkutilliisimanermi nalunaarusiami paasissutissat tulluuttut makku saqqummiunneqassapput:

- 1) Ulloq nakkutilliiffusoq.
- 2) Kina nakkutilliinermik ingerlatsisimanersoq.
- 3) Nakkutilliineq nalunaaqqaarluni nalunaaqqaarnaniluunniit ingerlaneqarsimanersoq.
- 4) Nakkutilliineq nalinginnaasooq imaluunniit annertusisamik nakkutilliinerunersoq.
- 5) Nakkutilliisoqartinagu paasissutissat suut Nakkutilliinermik ingerlatsiviup pissarsiariniarsimanerai.
- 6) Nakkutilliinermik ingerlatsiviup nakkutilliinerminut atatillugu kikkut oqaloqateqatigisimanerai.
- 7) Atorfinnut akuerisaasunut naleqqiullugu najugaqarfissatut neqeroorummi najugaqartut amerlassusaat aamma najugaqartut tapersorsorneqarnissamik pisariaqartitaat.
- 8) Ukiumi kingullermi pissaanermik atuinerit qassiusimanersut.
- 9) Nakkutilliinermi maluginiarneqartut.
- 10) Najugaqartut pisariaqartitaannik ineriartornissamullu periarfissaannik najugaqarfissatut neqeroorutip nalilersorneqarnera.
- 11) Nakkutilliinerup malitsigisaanik qisuariaataasinnaasut, matumani kommunalbestyrelsimut imaluunniit kommunalbestyrelsinut inissiisimasunut paasissutissanik ingerlatitseqqinnerit ilanngullugit.

Imm. 3. § 52, imm. 5 malillugu toraagalimmik nakkutilliinermi nakkutilliinermi nalunaarusiaq suliassaarfiit toqqakkat ukkatarineqartut pillugit paasissutissanik taamaallaat imaqaassaaq.

§ 62. § 61 malillugu inaarutaasumik nakkutilliinermi nalunaarusiap suliarineqariarluni ulloq unnuarlu paaqqinnittarfirmut nassiunneqannginnerani, nakkutilliinermi nalunaarusiaq sivikinnerpaamik ulluni 14-ini ulloq unnuarlu paaqqinnittarfirmut kiisalu isumaginninnermut aqutsisoqarfimmut tusarniaassutigineqassaaq.

Imm. 2 Nakkutilliinermi nalunaarusiaq kingusinnerpaamik ullormi nakkutilliiffusimasumit qaammatit pingasut qaangiunneranni naammassillugu suliarineqareersimassaaq.

Imm. 3. Immikkut ittumik pisoqartillugu imm. 1-imi 2-milu piffissaliussat avaqqunneqarsinnaapput.

Imm. 4. Nakkutilliinermi nalunaarusiaq isumaginninnermut aqutsisoqarfimmut kiisalu

kommunalbestyrelsinut meeqqanik ulloq unnuarlu paaqqinnittarfimmut inissiisimasunut ilisimatitsissutitut nassiunneqassaaq.

Imm. 5. Nakkutilliineq pillugu nalunaarusiaq Naalakkersuisut nittartagaanni aamma ulloq unnuarlu paaqqinniffiup nittartagaani tamanut saqqummiunneqassaaq.

§ 63. § 61 malillugu Nakkutilliinermik ingerlatsiviup nakkutilliinermi nalunaarusiami taassavai:

- 1) oqaaseqaatit paasisimasat ilisimatitsissutillu, imaluunniit
- 2) pissutsit iluarsineqartariaqartut iliuuseqarfigineqartariaqartullu pillugit innersuussutit.

Imm. 2. Imm. 1 malillugu oqaaseqaatit innersuussutilluunniit ulloq unnuarlu paaqqinniffiup oqaloqatigineqareerneratigut suliarineqartassapput, aamma pissutsit oqaaseqaateqarnermut imaluunniit innersuussinermut tunngaviusut qanoq pitsaanerulersinnaanerannut imaluunniit aaqqiiffigineqarsinnaanerannut ilitersuummik imaqaassallutik.

§ 64. § 61 malillugu nalunaarusiami ulloq unnuarlu paaqqinniffik pissutsit inassuteqarnermut imaluunniit peqqussuteqarnermut tunngaviusut pillugit ulloq unnuarlu neqeroorummit qanoq ililluni aaqqiivigineqarnissaat naatsorsuteqarnersut pillugu allakkatigut pilersaarusoqqullugu Nakkutilliinermik ingerlatsivik nakkutilliinermi nalunaarusiami innersuussinnaavoq imaluunniit peqqussuteqarsinnaalluni.

Kapitali 9

Utoqqarnik paaqqinniffinnik ingerlatsinermut sammititamik nakkutilliineq

§ 65. Utoqqarnut paaqqinniffinnik kommunalbestyrelsimi pilersinneqarsimasunik ingerlanneqartunillu ingerlatsinermut sammititamik kommunalbestyrelse ukiumut ataasiarluni aamma pisariaqartitsineq naapertorlugu nakkutilliisassaaq. Utoqqarnut paaqqiffimmi pitsaassuseq pisariaqartinneqartoq suli pigineqarnersoq nakkutilliinerup qulakkiissavaa.

Imm. 2. Kommunalbestyrelsip nakkutilliinermi atatillugu utoqqarnut paaqqinniffinni pissutsit misissorlugillu utoqqarni paaqqinniffinni sulisut oqaloqatigissavai.

Imm. 3. Kommunalbestyrelsip nakkutilliinermi:

- 1) utoqqarnik paaqqinniffik nalunaaqqaarluni nakkutilliartorfigisassavai,
- 2) utoqqarnik paaqqinniffik paasisutissanik piniarfigisassavaa, aamma
- 3) inunnit utoqqarnut paaqqinniffinniittunit paasisutissanik attuumassuteqartunik pissarsiniarnissaq.

Imm. 4. Kommunalbestyrelsip imm. 3 nr. 1 malillugu nalunaaqqaarluni nakkutilliartortarnermi saniatigut utoqqarnik paaqqinniffiit nalunaarfigeqqaarnagit aamma nakkutilliartorfigisinnaavai.

§ 66. § 65 malillugu ingerlatsinermut sammititamik nakkutilliineq ima ingerlanneqassaaq, taamaalilluni assigiissumik, ataqatigiissillugu aaqqissuussaasumik uppersaaserluakkamillu utoqqarnut paaqqinniffiup tunniussassaanik inissatigullu atugassarititaanik, kiisalu utoqqarnut paaqqinniffiup suliassaminik isumaginnittarneranik, nalilersuinissamut tunngavissiisalluni.

Imm. 2. Inunnit suliap, aaqqissuusaanerup aningaasaqarnerullu ataqatigiinnissaanik paasinnaasunit, taamalu najugaqarfissatut neqeroorutip unammillernartoqartitaanik ingerlariaqqinnissamullu periarfissaanik nalunaaruteqarsinnaasunit nakkutilliineq ingerlanneqassaaq.

Imm. 3. Nakkutilliinermi kommunalbestyrelsip nakkutilliinermi atatillugu oqaloqatiginninnermigut

utoqqarnut paaqqinniffimmi aqutsisut, sulisut inuillu najugaqartut peqataatissavai. Najugaqartut angajoqqaatut sinniisoqarpata, sinniisut nakkutilliinermi peqataatinneqarsinnaapput.

Imm. 4. Siusinnerusukkut nakkutilliinermi nalunaarusiaasimasuni oqaaseqaatit, inassutigisimasat peqqussutillu aaqqissuussaasumik malitseqartinneqartarnissaat kommunalbestyrelsip nakkutilliinermut atatillugu qulakkiissavaa.

§ 67. § 65 malillugu ingerlatsinermut sammititamik nakkutilliinerup makku sammisarissavai:

- 1) Najugaqartut namminneq periarfissaminnik atorluanaanissaat tassuunakkullu sapinngisaq tamaat nammineersinnaanerminnik attassisinnaanissaat.
- 2) Najugaqartut sammisassaqarnissamut periarfissaat.
- 3) Utoqqarnut paaqqinniffiup sullinniagai, matumani ulloq utoqqarnut paaqqinniffiup sullinniakkaminut neqeroorutigisaata imarisai ilanngullugit, kiisalu najugaqartut nammineq inuunerminnut sunniuteqaqataanerat.
- 4) Utoqqarnik paaqqinniffimmi periaatsit angusallu.
- 5) Utoqqarnik paaqqinniffimmi aaqqissuussaaneq aqutsisullu.
- 6) Utoqqarnik paaqqinniffimmi sulisoqarnikkut piginnaasat.
- 7) Utoqqarnik paaqqinniffimmi illutatigut sinaakkutissat, matumani sullinniakkat pisariaqartitaannut aamma utoqqarnik paaqqinniffiup periaasaanut naapertuunnersut

Imm. 2. Sammineqartut tamarmik arlalitsigut naapertuuttunik tunngavilersorlugit itisilernerqassapput, utoqqarnik paaqqinniffiup tamakkiisumik siumullu isigisumik aaqqissugaanik takutitsisumik.

§ 68. § 65 malillugu utoqqarnut paaqqinniffik kommunalbestyrelsimit nakkutilliisuusumit qinnuigineqarunik paasissutissat kommunalbestyrelsip ingerlatsinermut sammititamik nakkutilliinermini pisariaqartitai tunniutissavaat.

Imm. 2. Utoqqarnut paaqqinniffimmit paasissutissanik kommunalbestyrelsimut ingerlatitseqqinneq, ingerlatitseqqinneq nakkutilliinissamut pisariaqartuusorineqarpat, najugaqartut imaluunniit taakku angajoqqaatut sinniisoqarsimagunik sinniisui akuersisinngikkaluarlugit pisinnaavoq.

§ 69. § 65 malillugu kommunalbestyrelse ingerlatsinermut sammititamik nakkutilliinerminut atatillugu utoqqarnut paaqqinniffimmi pissutsinik ernumanartunik maluginiagaqarpat, kommunalbestyrelsimut inissiisuusimasumut kommunalbestyrelse nalunaaruteqassaaq, najugaqartut pissutsinik ernumanartunik sunnerneqarsinnaappat.

Nakkutilliinermi nalunaarusiaq

§ 70. § 65 malillugu kommunalbestyrelse ingerlatsinermut sammititamik nakkutilliinerit tamaasa nakkutilliinermi nalunaarusiamik suliaqartassaaq.

Imm. 2. Nakkutilliisimanermi nalunaarusiami paasissutissat tulluuttut saqqummiunneqassapput:

- 1) Ulloq nakkutilliiffusoq.
- 2) Kina nakkutilliinermik ingerlatsisimanersoq.
- 3) Nakkutilliineq nalunaaqqaarluni nalunaaqqaarniluunniit ingerlaneqarsimanersoq.
- 4) Nakkutilliisoqartinnagu paasissutissat suut kommunalbestyrelsip pissarsiariniarsimanerai.

- 5) Kommunalbestyrelsip nakkutilliinermi atavillugu kikkut oqaloqateqatigisimanerai.
 - 6) Atorfinnut akuerisaasunut naleqqiullugu najugaqarfissatut neqeroorummi najugaqartut amerlassusaat aamma najugaqartut tapersorneqarnissamik pisariaqartitaat.
 - 7) Ukiumi kingullermi pissaanermik atuinerit qassiusimanersut.
 - 8) Nakkutilliinermi maluginiarneqartut.
 - 9) Najugaqartut pisariaqartitaannik ineriartornissamullu periarfissaannik najugaqarfissatut neqeroorutip nalilersorneqarnera.
 - 10) Nakkutilliinerup malitsigisaanik qisuariaataasinnaasut, matumani kommunalbestyrelsimut imaluunniit kommunalbestyrelsinut inissiisimasunut paasissutissanik ingerlatitseqqinnerit ilanngullugit.
- Imm. 3.* Nakkutilliinermi nalunaarusiaq utoqqarnut paaqqinniffimmut tusarniaassutigineqassaaq, tassani tusarniaanermut akissummik tunniussinissamut ullut 14-it piffissaritinneqarlutik. Naammassillugu nakkutilliinermi nalunaarusiap assileneqarnera utoqqarnik paaqqinniffimmut nassiunneqassaaq.

§ 71. § 70 malillugu kommunalbestyrelsip nakkutilliinermi nalunaarusiamut ilanngullugit taassavai:

- 1) oqaaseqaatit paasisimasat ilisimatitsissutillu, aamma
- 2) pissutsit iluarsineqartariaqartut iliuuseqarfigineqartariaqartullu pillugit innersuussutit.

Imm. 2. Imm. 1 malillugu oqaaseqaatit innersuussutilluunniit utoqqarnut paaqqinniffup oqaloqatigineqareerneratigut suliarineqartassapput, aamma pissutsit oqaaseqaateqarnermut imaluunniit innersuussinermut tunngaviusut qanoq pitsaanerulersinnaanerannut imaluunniit aaqqiiffigineqarsinnaanerannut ilitsersuummik imaqaassallutik.

Kapitali 10

Naammagittaalliuuteqarsinnaatitaaneq

§ 72. Kommunalbestyrelsip nalunaarut manna malillugu aalajangiineri lsumaginnittoqarfiup aqunneqarnera aaqqissugaaneralu pillugit Inatsisartut peqqussutaanni aalajangersakkat tunngavigalugit lsumaginninnermi Naammagittaalliuuteqartarfiimmut naammagittaalliuutigineqarsinnaapput.

Imm. 2. Nalunaarut manna tunngavigalugu Nakkutilliinermik ingerlatsiviup aalajangiineri aqutsinnermi oqartussaasunut allanut naammagittaalliuutigineqarsinnaanngillat.

Imm. 3. Nalunaarut manna malillugu, aalajangiinernut meeqqat suliat imminnut tunngassuteqartut pillugit naammagittaalliuuteqarnissaminut pisinnaatitaapput.

Kapitali 11

Atortuulertia

§ 73. Nalunaarut ulloq 1. januaari 2020-mi atuutilissaaq.

Imm. 2. Peqatigisaanik lsumaginninnermi suliaasaqarfimmi nakkutilliisarneq pillugu Namminersorlutik Oqartussat nalunaarutaat nr. 3, 3. april 2019-imeersoq atorunnaarsinneqassaaq.

Martha Abelsen

/

Julie Præst Wilche

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut